


Inkulpatu modura deklaratu beharko du Escamez bankariak 'Filesa auzian' / 12



Lehen palestinar Gobernuak gaur egingo dio zin karguari Jerikon / 14



Mikel Erkiaga: «Jendea pozik joan da lan serioa ikusi duelako» / 22

Egunkaria

Asteartea, 1994ko uztailaren 5a / V. urtea / 1.107. zenbakia / Salneurria: 100 pta. / 5,5 libera

MUSIKA

Getxokoarekin hasi dira jazz jaialdiak

Getxokoak hasiera emango die gaur Euskal Herriko jazz jaialdiei, horren ondotik Baionakoa, Gasteizkoa eta Donostikoa etorriko baitira katean. / 24

Eusko Legebiltzarrak Osakidetza auziko irizpena onartu du

Eusko Legebiltzarrak Osakidetza auzia ikertu duen batzordearen irizpena onartu egin zuen atzo, PSE-EE alderdiak kontrako botoa eman bazuen ere. Gasteizko Parlamentuak osatu duen lehen ikerketa batzordearen lanaren eztabaidarekin amaitu ziren atzo legegintzaldi honetako eztabaida saioak.

EAJk, EUEk, PPK eta UAK garrantzitsutzat jo zuten atzo bozkatutakoa eta PSE-EEK, or-

dea, ez dela ezer frogatu baietsi zuen. HBren ustez, irizpenak ez du jaso jaso behar zuen guztia eta «oraindik egiteko asko dago».

Pablo Ruiz de Gordejuela ikerketa batzordeko lehendakariak eta irizpenaren egileak bere lana defenditu zuen eta batzordeak mugak izan dituela aitortu arren, horiek ez direla garrantzitsuak izan adierazi zuen.

Sozialisten iritziz, Osakidetza auzia sinplea da: ezezagun batzuek azterketak aldatu egin zituzten eurak eta euren lagunak Osakidetza sartzeko, eta horietako batzuk UGTri eta PSE-EEri lotuta daude, baina ezin daiteke gehiago esan, gainontzeko guztia frogatzeko dagoelako. Ruiz de Gordejuelak *lobby*-a osatu zutenek talde paralelo bat osatu zutela eta hori frogatuta dagoela erantzun zien. Zalanztza, taldea nork antolatu zuen jakitea dela esan zien, eta PSE-EEK zerikusirik izanez gero erantzukizunak alderdiari eskatu beharko zaizkiola azpimarratu zuen. / 4



ANDER GILLENEA

Hasi dira Uda Ikastaroak eta UEU

Euskal Herriko Unibertsitateko (EHU) XIII. Uda Ikastaroak abian dira jada eta iraila bitartean guztira 52 ikastaro eskainiko dira. Jadanik 4.000 matrikula jaso ditu EHUren bulegoak. Lehen ikastaroak goizean eman arren, argazkian ageri den aurkezpen ofiziala arratsaldean egin zuten Donostiako Miramar jauregian eta bertan Juan Jose Gandarias errektorea eta Jose Antonio Ardanza EAEko lehendakaria izan ziren. Baionan, bestalde, Udako Euskal Unibertsitateak ere zabaldu zituen bere ateak, 22. edizioa da aurtengoa. Ikasleen partaidetza handitu egin da aurtun eta lehen ekitaldian Ipar Euskal Herriak duen unibertsitate baten premia nabarmendu zuen Kepa Altonaga UEUko zuzendariak. / 8-9

Hogeitaz urte beharko dira Araban erretako mendia lehengoratzeko

Atzo goizean itzali zuten suhiltzaileek igande eguerdian Arabako Txulato mendian piztu zen sutea. Sugarak amatatzeko lan itzela egin zuten suhiltzaileek, Gurutze Gorriak, DYAK, Arabako Diputazioko Mendiko Zerbitzuak langileak eta Bastidako herritarrek. Guztira 550 hektarea landa erre dituzte, batez ere, arteak, haritzak, ezkiak, pinuak eta gari eta garagar soro txiki batzuk. Adituek azaldu dutenez, gutxienez hogeitaz urte beharko dira paraje horiek lehengo egoerara itzultzeko.

Bestalde, sute ugari piztu dira

Katalunian eta Valentzian eta horien ondorioz zortzi lagun hil dira. Valentziako Millares herrian bost lagun hil ziren, bertan piztu berria zen sua itzalduta nahian zebiltzala. Bartzelona aldean, berriz, hiru lagun hil ziren Collbatoko haizuloetatik gertu, Montserrat mendiaren inguruan. Lehen informazioek ziotenez, hiru lagun hauek suak eragindako lubizi batek harrapatuta hil ziren.

Katalunian egoera oso txarra da eta Generalitateak zerbitzutik at zeuden suhiltzaile guztiak lanera deitu ditu. / 7 eta 12

EAJk eta PSE-EEK ikastolei buruzko «azken» bilkura egingo dute gaur

Ikastolen finantzaketaren auzia dela eta, EAJko eta PSE-EEko buruzagiak gaur bilduko dira konponbidea bilatzeko. Aurreko astean EAJk plazaratu zuenez, gaur konponbiderik ez bada, elkarrizketa ez den beste bide bat urratuko dute jeltzaleek. EAJrekin ez dela bilduko aurreratu du Fernando Buesa Hezkuntza sailburuak. / 10

Gerrila tutsiak kontrolpean hartu du Kigali hiriburu osoa

Gobernuko soldaduek atzera egin ondoren, Ruandako Fronte Patriotikoko (FPR) gerrila tutsiaren esku dago Kigali, Ruandako hiruburu, eta gutxiengo tutsiaren atzoko garaipena itzuli koalitatibo garrantzitsua da gerra horretan. Frantziako tropek, tutsien mendebaldeko mugimenduak galarazteko agindua jaso dute. / 13

BESTERIK

POLITIKA

Getxoko lau atxilotuetako bat espetxeratu egin du Garzonek eta besteak aske utzi ditu / 4

GIZARTEA

Madrialek ez du Nafarroako ubidearen bigarren zatia eraikitzeke asmorik / 7

EKONOMIA

Bizkaiko eta Gipuzkoako 200 untzi hegaluzetan ari dira dagoeneko / 11

ESTATUAK

Diru arazoak direla eta, Parisko egoitza saldu egin beharko du PSK / 12

NAZIOARTEA

Gaur aurkeztuko diete hiru aldeei Bosniaren zatiketarako mapa / 14

KIROLA

Holanda final-laurdenetan dago Hego Irlandari 2-0 irabazi eta gero / 15-18

VAN POPPEL IZAN DA AZKARRENA TOURREKO HIRUGARREN ETAPAN / 19-20